



十位心論第六

賢信之

与通子

成濟

秘密曼荼羅十住心論卷第六

他緣大乘住心第六



粵有<sup>ミ</sup>大士<sup>リ</sup>法樹<sup>ツ</sup>号<sup>ム</sup>他緣<sup>ヲ</sup>乘<sup>ト</sup>越<sup>テ</sup>建<sup>ル</sup>爪<sup>ヲ</sup>而<sup>シ</sup>高<sup>ク</sup>昇<sup>リ</sup>超<sup>テ</sup>  
聲<sup>ヲ</sup>緣<sup>シ</sup>而<sup>シ</sup>廣<sup>ク</sup>運<sup>ス</sup>二<sup>ノ</sup>空<sup>ヲ</sup>三<sup>ノ</sup>性<sup>ヲ</sup>洗<sup>ヒ</sup>自<sup>ラ</sup>執<sup>シ</sup>塵<sup>ヲ</sup>四<sup>ノ</sup>量<sup>ヲ</sup>四<sup>ノ</sup>攝<sup>ス</sup>  
濟<sup>シ</sup>他<sup>ノ</sup>利<sup>ヲ</sup>行<sup>フ</sup>思<sup>ハ</sup>惟<sup>シ</sup>陀<sup>シ</sup>那<sup>ヲ</sup>深<sup>ク</sup>細<sup>ク</sup>專<sup>シ</sup>注<sup>ス</sup>幻<sup>ヲ</sup>焰<sup>ヲ</sup>似<sup>シ</sup>心<sup>ヲ</sup>於<sup>テ</sup>  
是<sup>ニ</sup>芥<sup>ノ</sup>城<sup>ヲ</sup>竭<sup>ス</sup>而<sup>シ</sup>還<sup>リ</sup>滿<sup>ク</sup>巨<sup>ク</sup>石<sup>ヲ</sup>磷<sup>ク</sup>而<sup>シ</sup>復<sup>ス</sup>生<sup>ス</sup>三<sup>ノ</sup>種<sup>ヲ</sup>練<sup>ス</sup>磨<sup>ス</sup>

策初心之欲退四弘願行仰後身之勝果築  
等持城安唯識將征魔旬仗陣伐煩惱賊師  
整八正軍士縛以同事繩走六通精騎煞以  
智慧劔封勞績以五等爵冊心王以四德都  
勝義勝義致太平之化廢詮談旨扇無事之  
風垂拱一真之臺無爲法界之殿三大僧祇  
之庸於是稱帝四智法王之号本無今得亦  
乃截海息七轉之波蕩落新六賊之害無分  
正智等真常亟後得摧悲遍諸趣類製三截  
法令化三根有情造十善格式導六趣衆生  
言乘即三談識唯八五性有成否三身則常  
滅百億應化同泛六舟千葉牟尼等授三駕

緣法界有情故他緣ル蘭聲獨羊鹿故大名運ル  
自他平圓性故曰乘此乃君子之行業菩薩  
之用心北宗大綱蓋如此平然此乘有二種  
義謂淺略深秘是也以多名句說一義理此  
即淺略一一言名具無量義即是真言深秘  
初顯淺略次明深秘初淺略者大日尊告秘大日經第一品

密主言復次秘密主大乘行發無緣乘心法  
無我性何以故如彼往昔如是修行者觀察  
蓋阿賴耶知自性如幻陽炎影響旋火輪軌  
闍婆城者釋曰即是明第二重觀法無我性大疏第二  
也梵音莽鉢羅是無義亦是他義所謂他緣  
乘者謂發平等大誓為法界衆生行菩薩道

乃至諸一闡提及二乘未入正位者亦當以  
種種方便折伏攝受普令同入是乘多此無  
緣大悲故名他緣乘又無緣乘者至此僧祇  
始能觀察阿陀那深細之識解了三界唯心  
心外更無一法而可得者乘此無緣心而行  
大菩提道故名無緣乘也楞伽解深密等經  
瑜伽唯識等論所說八識三性三無性皆是  
此意也法相大乘以此爲宗此則所謂菩薩  
乘也菩薩者梵云菩提薩埵略去二字故云  
菩薩唯識第九瑜伽皆明五位言五位者資糧加  
行通達修習究竟位等初資糧位者唯識論第九  
頌乃至未起識求住唯識性於二取隨眠由

未能伏滅第七攝論云清淨增上力堅固心勝進  
名菩薩初修無數三大劫即從初發深固大  
菩提心乃至未起順次擇識求佳唯識真勝  
義性齊此皆是資糧位攝大菩提心以善根  
力為自體以大願為緣不退屈為策發雖遇  
惡友不能破壞此位未能伏除識相即地前  
三十心皆是此位望菩提果求出生死此為  
自利故名資糧望涅槃果即為有情約利他  
故名解脫分此位菩薩依因善友作意資糧  
四勝力故於唯識義雖深信解而未能了能  
所取空多住外門修菩薩行二取隨眠未能  
伏滅令彼不起二取現行此位二障雖未伏

除修勝行時有三退屈而能三事練磨其心

一聞無上正等菩提廣大深遠心便退屈引

他證已練二聞施等波羅蜜多甚難可修心

便退屈省已增修練三聞諸佛圓滿轉依極

難可證心便退屈引鹿况妙練三賢位中初

十住者習種性即發趣也行成不退故立住

名依佛地經第二七日在忉利天妙勝殿說

華嚴云今時法慧菩薩承佛神力從菩薩無

量方便三昧起說菩薩十住十方有千佛刹

微塵數諸佛同名法慧而現前加被十方有

十千佛刹微塵數菩薩同名法慧雲集作證

皆華嚴經文十住心一發心住者有三一發

新經十六元第三下古經第九記第五

自下三賢位



心緣見佛法僧及苦衆生發菩提心二所求  
法謂求十力處非處等而發於心三所學法  
勤學十法欲令菩薩心轉增廣二治地住者  
有二一利他行於諸衆生發十種心謂利益  
心等二自利行動學十法謂誦習多聞虛閑  
寂靜近善知識發言和悅欲令菩薩增長大

悲三修行住者有二一治煩惱行以十種行  
觀一切法無常苦空無我等二治小乘行勤  
學十法謂觀察衆生界法界世界地等欲等  
欲令菩薩智慧明了四生貴住者有二一聖  
法中生成就十法了知衆生國土世界業行  
果報生死涅槃二上求佛法應學十法了知

三世一切佛法欲令增進於三世中心得平等五具足方便住者有二一利他行而起十心所修善根皆爲救護一切衆生饒益安樂等二自利行勤學十法知衆生無邊等欲令其心轉復增勝無所染著六正心住者有二一次定信聞十種法心定不動讚佛毀佛讚法毀法讚毀僧等二次定智勤學十法謂一切法無相無體等欲令其心得不退轉無生法忍七不退住者有二一不退行聞十種法堅固不退聞有佛無佛有法無法等二不退智勤學十法說一即多說多即一等欲令增進於一切法善能出離八童真住者有二一

得勝行住十種業謂身語意行無失知衆生  
種種欲解界業等二緣淨土勤學十法謂知  
一切佛刹等欲令增進於一切法能得善巧  
九法王子住者有二一利衆生行善知十法  
謂善知諸衆生受生知煩惱現起等二求菩  
提行勤學十法謂法王處善巧法王軌度等  
欲令增進心無障礙十灌頂住者有三一度  
衆生成就十智開示調伏無數衆生等二得  
深法身及身業神通變現法王子等亦不能  
知三所知廣勤學十智欲令增進一切種智  
十行十行者長養性也修起名行廡有爲故  
求菩提故悲愍有情故依修二諦伏中品障

第二七日在炎摩天寶莊嚴殿說新經九卷第四亦時功德

林菩薩承佛神力從菩薩善思惟三昧起說古經十二記第六

菩薩十行十方有万佛刹微塵數菩薩同名

功德林雲集作證歡喜行者修施有二一

自生喜為大施主凡所有物悉能惠施二生

他喜修此行時一切愛樂願以身肉充足スルキ一

切不見自身施者令其永得安隱快樂二饒

益行者修戒有二一自利行護持淨戒不著

六塵假使那由他天諸魔女端正殊麗不能

傾戒二利他行令未度者度解脫調伏等心

常安住甚深智慧三無違逆行者修忍有二

一自利常修忍法謙下恭敬假使那由他衆

生言語毀辱器仗逼害心淨歡喜二利他此  
身空寂無我我所自他覺悟心不退轉四無  
屈撓行者精進有二一自利行第一精進勤  
煩惱故爲知一切衆生諸根勝劣故二利他  
行設爲衆生經微塵數劫受苦令被衆生永  
脫諸苦乃至究竟五離癡亂行者修定有二

一離癡亂成就正念死此生彼入胎出胎心  
無癡亂二悟深法聞恐怖聲悅意聲等而不  
能壞知諸三昧同一體性於一切智得不退  
轉六善現行者修慧有二一順空行三業清  
淨無慮妄故無相甚深住於真實二隨有行  
念諸衆生常處癡闇若未調伏我當先作成

就調伏必至菩提七無著行者修方便有二  
一無取著於念念中入僧祇界見佛聞法皆  
無所著二利諸有情觀一切法如幻諸佛如  
影菩薩行如夢說法如響自利利他清淨滿  
足八難得行者修願有二一利他行譬如船  
師不住此岸彼岸中流而能運度從此至彼  
菩薩亦尔二不求報不求一縷一毫及以一  
字讚美之言為安隱彼至菩提故九善法行  
者修力有二一無礙力得四無碍解假使那  
由他衆生各別所問皆為酬對令除疑惑二  
示導力成就十種身等為衆生作清涼池能  
盡一切佛法源故十真實行者修智有二一

十力智成就第一誠諦之語知衆生是處非  
處智等二現神力念念遍遊十方世界示現  
如來自在神力有親近者歡喜清淨十迴向  
十迴向者不可壞性十金剛也迴已所修有  
趣向故迴施衆生菩提涅槃不可壞性第二  
七日在都史天一切妙寶所莊嚴殿說今時

新經三十二卷  
古經第七卷第七

金剛幢菩薩承佛神力從菩薩智慧究明三  
昧起說菩薩十迴向十方有十萬佛刹微塵  
數諸佛同名金剛幢現前加被有百萬佛刹  
微塵數菩薩同名金剛幢雲集作證一救護  
一切衆生離衆生相迴向者此菩薩所修六  
度四無量心爲一切衆生作燈作炬破無明

闍此文有三一迴施衆生二迴向菩提三迴

向一切法真實性新經第六二不壞迴向者此菩薩於

佛法僧得不壞信於三乘等心轉增長念念

見佛以阿僧祇供具供養諸佛文三如前以

此善根為欲度脫一切衆生得清淨智證寂

滅性古經第七等三一切佛迴向者此菩薩隨順修學

去來現在諸佛迴向之道見一切色乃至觸

法若美若惡不生愛憎文三如前以此善根

授衆生安住金剛菩提心住於實際四至一

切處迴向者此菩薩修習善根願如實際無

處不至去來現劫佛成正覺願以不可說香

雲摩尼供養等文三如前以此善根普攝衆



生入如來智充遍法界新經弟五五無盡功德藏迴向  
者此菩薩普行諸清淨業入不可思議自在  
三昧善巧方便能作佛事放佛光明普照世  
界文三如前以已善根及衆生界趣薩婆若  
遍入法界耳古經弟八至二十記弟八六隨順堅固一切善根迴向者  
此菩薩或爲帝王不刑不罰以四攝法攝諸

衆生七寶妻子手足支分歡喜盡施文三如  
前以彼善根願諸衆生入智慧海安住實際大下  
等七隨順一切衆生迴向者此菩薩隨所積  
集一切善根入無量三昧以智慧觀察一切  
衆生必行差別咸令清淨文三如前以此善  
根願一切衆生任無上智平等清淨新經弟六八真實

相迴向者此菩薩正念明了其心堅住得智  
慧明為善知識之所攝受如來慧日明照其  
心永滅癡冥文三如前以此善根盡衆生界  
成等正覺周遍法界古經卷三十一經第十九無著無縛解脫迴向  
者此菩薩於一切善根心生尊重修習普賢  
菩薩行願得佛灌頂於一念中入方便地文

三如前以此善根開悟衆生得大智慧住佛  
境界古經卷十四十等法界無量迴向者此菩薩以離垢  
繒而繫其頂住法師位廣行法施為諸衆生  
作調御師示一切智道文三如前修如是行  
普為衆生成一切智充滿法界二明加行位  
加行位者第十迴向末也論云現前立少物在藏論卷九末

謂是唯識性以有所得故非實在唯識菩薩  
先於初無數劫善修福德智慧資糧為入見  
道住唯識性復修加行伏除二取謂煖頂忍  
世第一法此四熱名順次擇分謂見道中彼  
無漏故名為真實此煖等四順趣彼分名順  
次擇分前順解脫既初發心求究竟果故遠

此順次擇隣近見道故近煖等四法依四尋  
思四如實智初後位立四尋思者名義自性  
若別假有實無如實遍知此四離識及識非  
有名如實智如是煖頂依能取識觀所取空  
下忍起時印境空相中忍轉位於能取識如  
境是空順樂忍可上忍起位印能取空世第

一法雙印空相皆帶相故未能證實故說菩  
薩此曰位中猶於現前安立小物謂是唯識  
真勝義性以彼空有二相未除帶相觀心有  
所得故非實安住真唯識理依如是義厚嚴  
經云菩薩於定位觀影唯是心義想既滅除  
審觀唯自相如是住內心知所取非有次能  
取亦無後觸無所得此加行位唯能伏除全  
未能滅於安立諦非安立諦俱學觀察爲引  
當來二種見故非安立諦是正所觀非如二  
乘唯觀安立菩薩起此煩等善根雖方便時  
通諸靜慮而依第四方得成滿託寂勝依入  
見道故唯依欲界善趣身起餘慧厭心非殊

勝故故顯揚云極感非惡趣極欣非上二唯

欲界及天佛出世現觀識論文煖善根者

依明得定發下尋思觀無所取立為煖位謂

此位中創觀所取名等四法皆自心變假施

設有實不可得頂善根者依明增定發上尋

思觀無所取立為頂位謂此位中重觀所取

名等四法皆自心變假施設有實不可得忍

善根者依印順定發下如實智於無所取次

定印持無能取中亦順樂忍既無實境離能

取識寧有實識離所取境世第一善根者依

無間定發上如實智印二取空立世第一法

謂前上忍唯印能取空今世第一法二空雙

印起真見故初阿僧祇劫滿三明通達位通

達位者謂聖種性見道位也論云若時於所

緣智都無所得今時住唯識離二取相故若

時菩薩於所緣境無分別智都無所得不取

種種戲論相故智與真如平等平等俱離能

取所取相故有釋此智相見俱無有釋此智

相見俱有有釋此智見有相無說無在取不

取相故此正義也加行無間此智生時體會

真如名通達位初照理故亦名見道此有二

種一真見道謂即所說無分別智實證二空

所顯真理實斷二障分別隨眠雖多剎那事

方究竟即一無間一解脫一勝進兩相等故

惣說一心此復有二漸頓漸故二相見道此  
復有二一觀非安立諦有三品心二緣安立  
諦有十六心故前真見道證唯識性後相見  
道證唯識相二中初勝故頌偏說前真見道  
根本智攝後相見道後得智攝此二見道攝  
六現觀者謂思現觀信現觀戒現觀智諦現

觀邊智諦現觀究竟現觀此真見道攝彼第  
四現觀小分此相見道攝彼第四第五小分  
初在賢位由思所成後是果收謂盡智等雖  
第二三與見俱起而非自性故不相攝菩薩  
得此二見道時生如來家住極喜地善達法  
界得諸平等常生諸佛大集會中於多百門

已得自在自知不久證大菩提能盡未來利

樂一切故スレト第四修習位修習位者十地通名

依持生長故名爲地新經三十一古經二十五華嚴經云金剛藏言我

不見有諸佛國土其中如來不說十地者唯

識論云無得不思議是出世間智捨二麁重

故便證得轉依菩薩從前見道起已爲斷餘

障證得轉依復數修習無分別智此智遠離

所取能取故說無得妙用難測名不思議二

取隨眠是世間本唯此能斷名出世間二障

種子立麁重名今彼永滅故說爲捨此能捨

彼二麁重故便能證得廣大轉依由數修習

無分別智斷本識中二障麁重故能轉捨依



他起上遍計所執及能轉得依他起中圓成  
實性由轉煩忙得大涅槃轉所知障證無上  
覺云何證得二種轉依謂十地中修十勝行  
斷十重障證十真如二種轉依由斯證得轉  
依位別略有六種一損力益能轉謂初二位  
二通達轉謂通達位謂在見道三修習轉在

唯識論卷  
九下末

十地行四果圓滿轉謂究竟位五下劣轉謂  
二乘位六廣大轉謂大乘位此中意說廣大  
轉依捨二處重而證得故轉依義別略有四  
種一能轉道伏二障種謂永斷故二所轉依  
持種本識迷悟真如三所轉捨所斷二障所  
捨有無四所轉得所顯涅槃所生菩提此四

義中取所轉得頌說證得轉依言故然初地

至覺道成諸地不同皆此位攝列名辨相如

下應知第二七日在他化自在天宮摩尼寶

藏殿新華藏三十四卷第三下 古經華嚴卷五記第十一論第三今時金剛藏菩薩承佛神力從菩薩大

智慧究明三昧起說菩薩十地今時十方有

十億佛殺微塵數諸佛同名金剛藏而現前

加被下有十億佛刹微塵數菩薩同名金剛藏

雲集作證第一歡喜地者古經上教化五五中仁王經云若菩薩

住百佛國中新經下并行品五中末作閻浮提四天王修百法門二

諦平等心化一切衆生新經華嚴四 古經華嚴卷五華嚴經云佛子菩薩

住歡喜地成就多歡喜多淨信多無惱害多

無嗔恨念諸佛法念諸菩薩法念清淨波羅

蜜念入一切如來智生佛境界中故入一切  
菩薩平等性中故遠離一切怖畏故皆生歡  
喜此菩薩已得遠離五怖畏故所謂不治畏  
惡名畏死畏惡道畏大衆威德畏已離我想  
不愛自身何况資財故不求他供給施一切  
衆生故遠離我見無我想故決定不離佛菩  
薩故世無等者况有勝故此即如次配五怖  
畏此菩薩大悲爲首廣大悲樂無能沮壞敬  
順尊重諸佛教法日夜修習善根無厭足故  
親近善知識故求多聞無厭足故求一切智  
地故求如來力無畏不共佛法故求諸波羅  
蜜助道法故乃至凡所有物倉庫七寶頭目

手足皆無所惜爲求諸佛廣大智慧是爲大  
捨十度之中行檀波羅蜜四攝之中布施偏  
多餘非不修隨力隨分多作閻浮提王諸所  
作業不離念佛第九卷本法僧乃至不離念具足一切  
種一切智智唯識論云極喜地者初獲聖性  
具證二空能益自他生大喜故行施波羅蜜

多此有三種謂財施無畏施法施對異生性  
障謂二障中分別起者係彼種立異生性故  
二乘見道現在前時唯斷一種名得聖性菩  
薩見道現在前時具斷二種名得聖性二眞  
見道現在前時彼二障種必不成就猶明與  
闇不俱起故此即通達何名修習住滿地中

時既淹久理應進斷所應斷障不尔三時道  
應無別故說菩薩得現觀已復於十地修道  
位中唯修永滅所知障道留煩惱障助願受  
生非如二乘速趣圓寂故修道位不斷煩惱  
將成佛時方頓斷故證遍行真如謂此真如  
二空所顯無有一法而不在故華嚴經云此

古經卷第五之三

地菩薩勤加精進於一念頃證百三摩地以  
淨天眼見諸佛國二見百如來三動百世界  
身亦能往彼佛世界放大光明四化為百類  
普令他見五成就百類所化有情六若欲留  
身得百劫住七見前後際百劫中事八知見  
能入百法明門九化作百身十身皆能現百

菩薩眷屬若以菩薩殊勝願力自在示現過

於是數乃至百千億劫不能數知第二離垢

地者仁王經云若菩薩住千佛國中作勿利

天王修千法門以十善道化一切衆生華嚴

經云佛子菩薩摩訶薩欲入二地當起十種

心所謂正直心柔順心堪能心調伏心寂靜

心純善心不雜心無願惡心廣心大心得入

第二離垢地此菩薩作是念十不善道是三

惡趣因十善業道是人天乃至有頂處因上

品十善修治清淨心廣無量故具足悲愍不

捨衆生希求諸佛大智故乃至證十力四無

畏故一切佛法皆得成就此菩薩於無量百

古經上教化品五中  
新經上并行品五下

新經第六卷第六下

舊經第六卷第十一論第四

千億那由他劫遠離慳嫉破戒垢故四攝法  
中愛語偏多十度之中修持戒波羅蜜多多  
作輪王第九元第十本唯識論云二離垢地具淨尸羅遠離  
能起微細毀犯煩惱垢故行戒波羅蜜多謂  
攝善法戒攝律儀戒饒益有情戒斷邪行障  
證寂勝真如謂此真如具無邊德於一切法

新經第五 古經第六

寂為勝故唯論應去於多不門已得自在華  
嚴經云於一刹那頃證十三摩地以淨天眼  
見諸佛國二見千如來三動十世界身亦能  
往彼佛世界放大光明四化為千類普令他  
見五成就千類所化有情六若欲留身得千  
劫住七見前後際十劫中事八知見能入十

法明門九化作千身十身皆能現千菩薩

屬然依仁王經二地菩薩為初利天王若華

嚴經作轉輪聖王二說不同具引如上第三

發究地者仁王經云若菩薩住十萬佛國中

作炎天王修十萬法門必入禪定化一切眾

生華嚴經云佛子菩薩摩訶薩欲入第三發

究地者當起十種深心所謂清淨心安住心

厭捨心離貪心不退心堅固心明盛心勇猛

心廣心大心以是十心得入第三地此菩薩

於四禪四空次第隨順得無量神力能動大

地一身為多身多身為一身或隱或顯石壁

山障所往無礙猶若虛空六通具足此菩薩

古經上卷中  
新注上卷中末

古經上卷中  
新經上卷中末

新經卷第五元第七上  
古經卷第六元第六上  
論第五



忍辱心柔和心諧順心悅美心不嗔心不動  
心等皆轉清淨於四攝中利行偏多十度之  
中忍辱波羅蜜偏多餘非不修隨力隨分多  
作三十三天王唯識論云三發究地者成就  
勝定大法惣持能發無邊妙慧究故行忍辱  
波羅蜜多謂耐怨害忍安受苦忍諦察法忍

唯識論卷第一疏第十末

判經卷第五 七經第六

斷闇鈍障證勝深真如謂此真如所流教法  
於餘教法極爲勝故華嚴經云於一念頃證  
百千三摩地以淨天眼見諸佛國二見百千  
如來三動百千世界身亦能往彼佛世界放  
大光明四化爲百千類普令他見五成就百  
千類所化有情六若欲留身得百千劫住

九十一

見前後際百千劫中事八知見能八百千悉

明門九化作百千身十身皆能現百千菩薩

眷屬然依仁王經三地菩薩作夜摩天王若

華嚴經作三十三天王第四燄慧地者仁王

經云若菩薩住百億佛國中作兜率天王修

百億法門行道品化一切衆生華嚴經云佛

子菩薩摩訶薩欲入第四地者當修十法

明門所謂觀察衆生界法界世界虛空界識

界欲界色界無色界廣大信解界大心信解

界以此十法明門得入燄慧地此菩薩修行

觀身受心法未生已生不善法令不生斷故

未生已生善法令生不失故信進念定慧根

古經上三九中  
新經上流末

新經第六卷上第  
七十一命考

力等念覺分擇法精進喜輕安定捨等覺  
正見正思惟正語正業正命正精進正念正  
定等修禪定根力覺道於四攝法同事偏多  
十度之中精進波羅蜜偏多此地當作夜摩  
天王第九元第十本唯識論云四發慧地要在寂勝菩提分  
法燒煩惱薪慧燄增故行精進波羅蜜多謂

被甲精進攝善精進利樂精進斷微細煩惱  
現行障第六識俱身見等攝最下品故不作  
意緣故遠隨現行故說名微細彼障四地菩  
提分法入四地時便能永斷初二三地行施  
戒修相同世間四地修得菩提分法方名出  
世故能永害二身見等第七識俱執我見等

與無漏道性相連故八地以去方永不<sub>入</sub>行<sub>世</sub>證

唯識論第十五第十末

無攝受真如謂此真如無所繫屬非我執等

新經世六古經世八

所依取故華嚴經云於一念頃證百億三摩

地乃至身皆能現百億菩薩眷屬仁王華嚴

二說如上第五難勝地者仁王經云若菩薩

古經上 新經上

住千億佛國中作化樂天王修千億法門二

諦四諦八諦化一切眾生華嚴經云佛子菩

新經世六而七古經世七說十二論七

薩摩訶薩欲入第五地當以十種平等清淨

心趣入所謂於過去佛法平等未來佛法平

等現在佛法平等飛平等心平等除見疑悔

平等道非道智平等修行知見平等於一切

菩提分法上上觀察平等教化眾生清淨心

平等以此十種平等清淨心得入第五地此  
菩薩受如來護念故得不退轉心如實知此  
是苦聖諦集聖諦滅聖諦道聖諦善知世俗  
諦第一義諦此菩薩為利益衆生故世間伎  
藝靡不該習行四攝法十度之中禪波羅蜜  
偏多多作兜率天王第九 唯識論十卷末唯識論云五極難勝地

真俗兩智行相不違合令相應極難勝故行  
靜慮波羅蜜多謂安住靜慮引發靜慮辦事  
靜慮斷下乘般涅槃障令脫生死樂趣涅槃  
同下二乘狀苦欣滅彼障五地無差別道入  
五地時便能永斷唯識論十卷末證類無別真如謂此真如  
類無差別非如眼等類有異故華嚴經云於

新經第六 古經第七

一念項證千億三摩地以淨天眼見諸佛國  
二見千億如來三動千億世界身亦能往彼  
佛世界放大光明四化為千億類普令他見  
五成就千億類所化有情六若欲留身得千  
億劫住七見前後際千億劫中事八知見能  
入千億法明門九化作千億身十身皆能現  
千億菩薩眷屬教有二說其引如前第六現  
前地者仁王經云若菩薩在十萬億佛國中  
作他化自在天王修十萬億法門十二因緣  
智化一切衆生華嚴經云佛子菩薩摩訶薩  
欲入第六地當觀察十平等法所謂無相故  
平等無體故無生故無滅故本來清淨故無

新經卷七下 古經卷七記十三論八

古經上 新經上 氣中末

戲論故無取捨故寂靜故如幻夢影響菩薩  
有無不二故如是觀一切法自性清淨隨順  
無違得入現前地此菩薩以大悲為首觀世  
間生滅謂業為田識為種無明闇覆愛水為  
潤我慢漑灌見網增長生名色牙名色增長  
生五根諸根相對生觸乃至終沒為死如是

十種順逆觀諸緣起修三脫門住此地中般  
若波羅蜜備多多作善化天王唯識論云六  
現前地住緣起智引無分別寂勝般若令現  
前故行般若波羅蜜多謂生空無分別慧法  
空無分別慧俱空無分別慧斷塵相現行障  
證無染淨真如謂此真如本性無染亦不才

新經卷七古經七

說後方淨故華嚴經云於一念頃證百千億  
三摩地以淨天眼見諸佛國二見百千億如  
來三動百千億世界身亦能往彼佛世界放  
大光明四化為百千億類普令他見五成就  
百千億類所化有情六若欲留身得百千億  
劫住七見前後際百千億劫中事八知見能

入百千億法明門九化作百千億身十身皆  
能現百千億菩薩眷屬二文不同具引如上

古經上 新經上

第七遠行地者仁王經云若菩薩住百萬億  
佛國中作初禪王修百萬億法門方便智願  
智化一切衆生華嚴經云佛子菩薩摩訶薩  
欲入第七地當修十種方便慧謂修空無相

新經卷七古經卷七 記十三論九



無願三昧等如是十種方便慧起殊勝行得  
入第七地從第六地來能入滅定今住此地  
能念念入念念起而不作證以大方便雖示  
現生死而恒住涅槃雖眷屬圍繞而常樂遠  
離雖以願力三界受生不為世法所染雖得  
佛境界而示現魔境界示同外道獲如實三  
昧智慧光明隨順修行一切二乘無有能及  
悉能乾竭一切衆生諸惑泥淹十度之中方  
便波羅蜜偏多多作自在天王第九卷本唯識論云七  
遠行地至無相住功用後邊出過世間二乘  
道故行方便善巧波羅蜜多謂迴向方便善  
巧技濟方便善巧斷細相現行障七境地

妙無相道入七地時便能永斷由斯七地說  
斷二愚及彼麤重一細相現行愚即是此中  
執有生者猶取派轉細生相故二純作意勤  
求無相愚即是此中執有滅者尚取還滅細  
滅相故純於無相作意勤求未能空中起有  
勝行證法無別真如謂此真如雖多教法種

唯識論十卷末

種安立而無異故華嚴經云於一念頃證百

新經七  
古經廿七

千億那由他三摩地以淨天眼見諸佛乃至  
身皆能現百千億那由他菩薩眷屬教有二  
說具引如前第八不動地者仁王經云若菩  
薩住百萬微塵數佛國中作二禪梵王修百  
萬微塵數法門雙照方便神通智化一切衆

古經上  
新經上

コレチス

新經卷八下 古經卷八下 第十四論十

生華嚴經云佛子菩薩摩訶薩離一切心意  
識分別入一切法如虛空性名無生法忍成  
就此忍得入不動地此菩薩摩訶薩菩薩心  
佛心菩提心理樂心尚不現起况復起於世  
間之心此菩薩本願故諸佛世尊現其前言  
善哉善哉善男子此忍第一順諸佛法然我

等所有十力四無畏十八不共諸佛之法汝  
今未得為欲成就勤加精進勿復放捨住此  
忍門乃至第七勸已於一念頃所生智業若  
不可說三千大千世界隨衆生身信解差別  
普於其中示現受生教化成就十度之中願  
波羅蜜偏多多作大梵天王王千世界唯識

論云八不動地無分別智住任運相續相角煩  
惱不能動故行願波羅蜜多謂求菩提願利  
樂他願斷無相中作加行障令無相觀不任  
運起前之五地有相觀多無相觀小於第六  
地有相觀小無相觀多第七地中純無相觀  
雖恒相續而有加行由無相中有加行故未  
能任運現相及土如是加行障八地中無功  
用道故若得入第八地時便能永斷彼求斷  
故得二自在八地已上純無漏道任運起故  
三界煩惱永不現行第七識中細所知障猶  
可現起生空智果不違彼故證不增減真如  
唯識論十卷十末  
謂此真如離增減執不隨淨染有增減故即

此亦名相土自在所依真如謂若證得此真  
如已現相現土俱自在故華嚴經云一刹那

項證百萬三千世界微塵數三摩地乃至菩

薩眷屬二經不同具引如上第九善慧地者

仁王經云若菩薩往百萬億阿僧祇微塵數

佛國中作三禪大梵王修一萬億阿僧祇微

塵數法門四無尋智化一切衆生華嚴經云

佛子菩薩摩訶薩欲具廣大神通入差別世

界修力無畏不共法隨諸佛轉法輪不捨大

悲本願力得入第九善慧地此地作大法師

具法師行善能守護如來法藏以無量善巧

智起四無尋解用菩薩言辭而演說法此善

薩起四無尋無暫捨離何等為四謂法義詞  
樂說無尋智法知諸法自相義知諸法別相  
詞知無錯謬樂說無新盡假使不可說世界  
所有衆生一剎那間令皆以無量言音而與  
問難各各不同菩薩於一念頃悉能領受仍  
以一音普為解釋各随心樂令得歡喜十度

之中力波羅蜜取勝多作二千世界主火梵  
主第九卷本唯識論云九善慧地成就微妙四無尋解  
能遍十方善說法故行力波羅蜜謂思擇力  
修習力斷利他中不欲行障今於利樂有情  
界事中不欲勤行樂修已利彼障九地四無  
尋解入九地時便能永斷證智自在所依真

唯識論十卷十末

如謂若證得此真如已於無身解得自在故

新經第八百經第八

華嚴經云於一念頃證百萬阿僧祇國土微塵數三摩地以淨天眼見諸佛國二見百萬阿僧祇國土微塵數如來乃至示現百萬阿僧祇國土微塵數菩薩以為眷屬若以菩薩殊勝願力自在示現過於此數乃至百千億

那由他劫不能數知教有二說具引如前第

十法雲地者仁王經云若菩薩住不可說不

可說佛國中作第四禪天王三界主修不可

說不可說法門得理盡三昧同佛行處盡三

界源教化一切衆生華嚴經云佛子從初地

新經第九卷八上  
古經第九卷十四論十二

乃至第九地以如是無量智慧觀察已善思

惟修習觀察善滿足白法集無邊助道法增  
長大福德智慧廣行大悲知世界差別入衆  
生界稠林入如來所行處證隨順如來寂滅  
行常觀察如來力無畏不共佛法名爲得一  
切種一切智智受職位乃至佛子此地菩薩  
以自願力起大悲雲震大法雷通明無畏以  
爲電光福德智慧而爲密雲現種種身周旋  
往反於一念頃普遍十方百千億那由他世  
界微塵國土演說大法摧伏魔怨復過此數  
於微塵國土隨諸衆生心之所樂靈甘露雨  
滅除一切衆惑塵燄是故此地名爲法雲乃  
至此地多作摩醯首羅天王於法自在能受



衆生聲聞獨覺一切菩薩波羅蜜行於法界  
中所有問難無能屈者布施愛語利行同事  
所作諸業皆不離念佛法僧乃至不離念具  
足一切種一切智智第九卷本唯識論云十法雲地大  
法智雲含衆德水蔽如空鹿重充滿法身故  
修智波羅蜜多謂受用法樂智成就有情智

斷於諸法中未得自在障謂所知障中俱生  
一分令於諸法不得自在彼障十地大法智  
雲及所含藏所起事業入十地時便能永斷  
由斯十地說斷二愚及彼鹿重一大神通愚  
即是此中障所起事業者二悟入微細秘密  
愚即是此中障大法智雲及所含藏者此地

於法雖得自在而有餘障未名寂極證業白  
在等所依真如謂若證得此真如已普於一  
切神通作業惣持定門皆自在故華嚴經云  
菩薩復作是念我於一切衆生爲首爲勝若  
勤加精進於一念頃得十不可說百千億那  
由他佛刹微塵數三昧乃至示現衆所微塵

大千世界以衆妙寶間錯莊嚴超過一切世  
間境界出世善根之所生起恒放光明普照  
法界非諸天處之所能有毗瑠璃摩尼寶爲  
莖栴檀王爲臺馬瑙爲鬚闍浮檀金爲葉衆  
寶爲藏寶網弥覆十三大千世界微塵數  
蓮花以爲眷屬今時菩薩坐此花座身相大

小正相稱可無量菩薩以為眷屬各坐餘花  
周匝圍遶一一各得百万三昧向大菩薩一  
心瞻仰佛子此大菩薩并其眷屬坐花座時  
所有光明及以言音普皆充滿十方法界一  
切世界咸悉震動惡趣休息國土嚴淨同行  
菩薩靡不來集佛子此菩薩坐花座時於兩

數菩薩以為眷屬若以菩薩殊勝願力自在  
示現過於此數若修行若莊嚴若信解若所  
作若身若語若光明若諸根若神變若音聲  
若行處乃至百千億那由他劫不能數知五  
究竟位究竟位者十地經云有妙淨土出過  
三界十地菩薩當生其中瓔珞經云三僧祇

滿十地菩薩於四禪上大自在宮百劫修相  
好千劫學威儀萬劫學變化將成正覺昇蓮  
坐新經第九卷上華嚴經云佛子菩薩摩訶薩入受職地  
古經第九卷第十四論十三  
即得百萬阿僧祇三昧皆現在前其最後三  
昧名受一切智勝職位此三昧現前時有大  
寶蓮花忽然出生其花廣大量等百萬三千

足下放光普照十方諸大地獄兩膝輪放光  
普照十方諸畜生趣於齊中放光普照十方  
閻羅王界從左右脇放光普照十方入趣皆  
滅衆苦從兩手中放光普照十方一切諸天  
阿修羅從兩肩上放光普照十方一切聲聞  
從其項背放光普照十方辟支佛身從其面

門放光普照十方，初始發心，乃至九地，諸菩薩從兩眉間放光普照十方，受職菩薩從其頂上放百万阿僧祇三千大千世界微塵數，光明普照十方一切世界，諸佛如來道場衆會兩諸摩尼以為供養，復繞十方經十匝已，從諸如來足下而入，今時諸佛知其世界中

某菩薩摩訶薩到受職位，從眉間出清淨光明名增益一切智神通普照盡虛空遍法界已，而來至此菩薩會上，周匝右繞，示現莊嚴已，從大菩薩頂上而入，今時菩薩得百万三昧名為已，得受職位之境界，具足十力，隨在佛數若身與座俱遍世界，唯識論究竟位頌

云此即無漏界不思議善常安樂解脫身大  
牟尼名法此謂此前菩提涅槃二轉依果即  
是究竟無漏界攝諸漏永盡非漏隨增性淨  
圓明故名無漏界是截義此中含容無邊希  
有大功德故清淨法界四智心品滅道諦攝  
故唯無漏謂佛功德及身土等皆是無漏種  
性所生故佛身中十八界等皆悉具足而純  
無漏此轉依果又不思議超過尋思言議道  
故此又是善白法性故清淨法界遠離生滅  
極安隱故四智心品妙用無方極巧便故二  
種皆有順益相故違不善故俱說為善此又  
是常無盡期故清淨法界無生無滅性無變

易故說為常四智心品所依常故無斷盡故  
亦說為常非自性常從因生故此又安樂無  
逼惱故清淨法界衆相寂靜故名安樂四智  
心品永離惱害故名安樂二乘所得二轉依  
果唯永遠離煩惱障縛無殊勝法故名解  
脫身大覺世尊成就無上寂默法故名大牟

尼此牟尼尊所得二果永離二障亦名法身  
無量無邊力無畏等大功德法所莊嚴故體  
依聚義惣說名身故此法身五法為性非淨  
法界獨名法身二轉依果皆此攝故如是法  
身有三相別一自性身謂諸如來真淨法界  
受用變化平等所依大功德法所依止故二

受用身此有二種一自受用謂諸如來三無  
數劫修集無量福慧資糧所起無邊真實切  
德及極圓淨常遍色身相續湛然盡未來際  
恒自受用廣大法樂二他受用謂諸如來由  
平等智示現微妙淨功德身居純淨土為住  
十地諸菩薩眾現大神通轉正法輪次眾疑  
網令彼受用大乘法樂合此二種名受用身  
三變化身謂諸如來由成事智變現無量隨  
類化身居淨穢土為未登地諸菩薩眾二乘  
異生稱彼根宜現通說法令各獲得諸利樂  
事然佛三身即五法故所證真理謂即法身  
四智菩提即報身故受用變化大悲力故利



他無漏因緣成就三身三土或異或同大小  
勝劣前後改轉淨穢報化漏無漏攝性相身  
土差別無邊如諸教中廣顯示故此北宗以  
唯識二諦二義為深極秘要故略出大綱慈  
恩法師唯識義云第一出體者此有二種一  
所觀體二能觀體所觀唯識以一切法而為

法苑珠林第一

自體通觀有無為唯識故略有五重一遣虛  
存實識觀遍計所執唯虛妄起都無體用應  
正遣空情有理无故觀依他圓成諸法體實  
二智境界應正存有理有情无故無著頌云  
名事平為客其性應尋思於二亦當推唯量  
及唯假實智觀無義唯有分別三彼無故此

攝大乘論中無性攝論第六

無是即入三性成唯識言識言惣顯一切有  
 情各有八識六位心所所變相見分位差別  
 及彼空理所顯真如識自相故識相應故二  
 所變故三分位故四實性故如是諸法皆不  
 離識惣立識名唯言但遮愚夫所執定離諸  
 識實有色等如是等文誠證非一由無始來  
 執我法為有撥事理為空故此觀中遣者空  
 觀對破有執存者有觀對遣空執今觀空有  
 而遣有空有空若無亦無空有以彼空有相  
 待觀成純有純空誰之空有故欲證入離言  
 法性皆須依此方便而入非謂有空皆即次  
 定證真觀位非有非空法無分別性離言故

說要觀空方證真者謂要觀彼遍計所執空  
為門故入於真性真體非空此唯識言既遮  
所執若執實有諸識可唯既是所執亦應除  
遣此取初門所觀唯識於一切位思量修證  
二捨濫留純識雖觀事理皆不離識然此內  
識有境有心心起必託內境生故但識言唯

不言唯境成唯識言識唯內有境亦通外恐  
濫外故但言唯識又諸愚夫迷執於境起煩  
惱業生死沈淪不解觀心勤求出離哀愍彼  
故說唯識言令自觀心解脫生死非謂內境  
如外都无由境有濫捨不稱唯心體既純留  
說唯識厚嚴經云心意識所緣皆非離自性

故我說一切唯識無有餘華嚴等說三界唯

唯智解為大乘經 道宣在且名小乘經

古經第六卷經第六世唯識第六卷

心遺教經云是故汝等當好制心制之一處

無事不辨等皆此門攝三攝未歸本識心內

所取境界顯然內能取心作用亦余此見相

分俱依識有離識自體本末法必無故三十

唯識論卷 述記第一本

頌言由假說我法有種種相轉彼依識所變

此能變唯三成唯識說變謂識體轉似二分

相見俱依自體起故解深密說諸識所緣唯

識所現攝相見未歸識本故所說理事真俗

觀等皆此門攝四隱劣顯勝識心及心所俱

能變現但說唯心非唯心所心王體殊勝心

所劣依勝生隱劣不彰唯顯勝法故慈尊說

莊嚴論第一 釋論第五

許心似二現如是似貪等或似於信等無別  
深善法雖心自體能變似彼見相二現而貪  
信等體亦各能變似自見相現以心勝故說  
心似二心所劣故隱而不說非不能似無垢  
稱言心垢故有情垢心淨故有情淨等皆此  
門攝五遣相證性識識言所表具有理事事

第二回疏第三

為相用遣而不取理為性體應求作證勝鬪  
經云自性清淨心無性攝論第六攝論頌言於繩起蛇覺見  
繩了義無證見彼分時知如蛇智亂此中所  
說起繩覺時遣於蛇覺翳觀依他遣所執覺  
見繩衆分遣於繩覺翳見圓成遣依他覺此  
意即顯所遣二覺皆依他起劫此深故所執

實地實繩我法不復當情非於依他以稱遣  
故皆牙除遣地由妄起體用俱無繩藉麻生  
非無假用麻辟真理繩喻依他知繩麻之體  
用地情自滅地情滅故地不當情名遣所執  
非如依他須聖道漸入真達地空而悟  
繩分證真觀位照真理而俗事彰理事既彰  
我法便息此即一重所觀體也能觀唯識以  
別境慧而為自體云云然惣遍詳諸教所說  
一切唯識不過五種一境唯識佛大乘論卷四百具文阿毗達磨經  
云鬼傍生人天各隨其所應等事心異故許  
義非真實如是等文但說唯識所觀境者皆  
境唯識二教唯識由自心執著等頌華嚴深

密等說唯識教者皆教唯識三理唯識三十

頌言是諸識轉變分別所分別由此彼皆無

故一切唯識如是成立唯識道理皆理唯識

四行唯識菩薩於定位等頌四種尋思如實

智等皆行唯識五果唯識佛地經云大圓鏡

智諸處境識皆於中現又如來功德莊嚴經

云如來無垢識是淨無漏界解脫一切障圓

鏡智相應唯識亦言此即無漏界不思議善

常安樂解脫身大牟尼名法如是諸說唯識

得果皆果唯識此中所說五種唯識惣攝一

切唯識皆盡云云又顯類差別者其圓成真

性識若加行後得觀是共相非別相以惣緣

分別論頌末翻唯識論第九有之

玄界譯佛地論第四譯之

唯識論第三引此文

論九末

義林華第一唯識義次釋鈔上

遍法故根本智觀是別相非共相諸法別知  
故乃至或說因果體俱一識作用成多一類  
菩薩義或因果俱說二次拾餘六十三擇分中有心地說  
謂本識及轉識或唯因說三辨中邊云識生辨相品  
變似義有情我及了三十唯識云謂異惑思釋論第一卷第三末  
量及了別境識多異熱性故偏說之阿陀那  
名理通果有或因果俱說三謂心意識或唯  
果說四佛地經等說四智品或因果俱說六  
勝鬘經中說六識或因果俱說七諸教說七  
心界或因果俱說八謂八識或因果合說九  
楞伽第九頌云八九種種識如水中諸波依  
無相論同性經中若取真如為第九者真俗轉識品



合說故今取淨位第八本識以為第九深淨

本識各別說故如來功德莊嚴經云如來無

垢識是淨無漏界解脫一切障圓鏡智相應

又二諦義云瑜伽唯識二諦各有四重世俗

諦四名者一世間世俗諦亦名有名二道理

世俗諦亦名隨事三證得世俗諦亦名方便

四勝義世俗諦亦名假名勝義諦四名者一

世間勝義諦亦名體用二道理勝義諦亦名

差別亦名廢詮三證得勝義諦亦名依門四勝義勝義

諦亦名廢詮前之三種名安立勝義第四一

種非安立勝義諦又云勝義勝義者體妙離

言迫超眾法名為勝義聖智內證過前四俗

復名勝義諦又云月令二諦章第四勝義勝義諦者謂非

安立廢詮談旨一真法界也又以義珠章第十劫前論四種體釋諸

教體故略出之初攝相歸性體者教即真如義鏡集解二

般若論云應化非真佛亦非說法者說法不

二取無說離言相第二攝境從識體者若取

根本能說者識心為體若取枝未能聞法者

識心為體故天親云展轉增上力二識成以

定第三攝假從實體者一切內教體唯是聲

由名句文體是假有隨實說故對法論說成

所引聲不說名等名成所引第四相用別論

體者唯取根本能說法者識上所現聲名句

文以為教體假與實義用殊故此中四體約

義用分不乖真俗法相理故具如法苑惣聊

簡說又有六合釋釋一切法得名所以故次

義林章第一 四章  
義鏡二集解二

略出之此六合釋以義釋之亦可名為六離

合釋初各別釋名之為離後惣合解名之為

合此六者何一持業釋二依主釋三有財釋

四相違釋五隣近釋六帶數釋初持業釋亦

名同依謂任持業者業用作用之義體能持

用名持業釋名同依者依謂所依二義同依

一所依體名同依釋如名大乘依主釋者亦

名依士依者能依主者法體依他主法以立

自名名依主釋或主是君主一切法體名為

主者從喻為名如日依王王之日故名曰王

臣士謂士夫有財釋者亦名多財不及有財  
財謂財物自從他財而立已名為有財如世  
有財亦是從喻為名相違釋者名既有二義  
所目自體各別兩體平亦而惣立稱是相違  
釋隣近釋者俱時之法義用增勝自體從彼  
立其名名隣近釋如說有尋及有伺等諸相  
應法皆是此體帶數釋者數謂一十百千等  
數帶謂挾帶法體挾帶數法為名名帶數釋  
如說二十唯識論此六釋中各有多說不能  
煩述此中六釋且依共傳略示體義其廣辨  
相如餘處說謂此六中初持業釋於八轉聲  
何聲中釋乃至帶數釋亦余皆如別處更有

釋名如宗輪疏恣歎繁多且指綱要龍猛菩薩善提心論云又有衆生發大乘心行菩薩行於諸法門無不遍修復經三阿僧祇劫修六度万行皆悉具足然證佛果久遠而成斯由所習法教致有次第所以亦不可樂次秘密義者如上無緣乘法即是弥勒菩薩三摩

地門是三昧則所謂大慈三昧亦是白日如來四行之一也一切如來大慈無量悉名弥

勒此菩薩亦住普遍大慈發生三昧說自心

真言咒語不咒不咒不咒不咒不咒不咒不

大日經疏第十

釋云阿耨單闍耶無能勝義薩縛薩埵一切

衆生奢也心性謂彼先世所習行諸根性類

奴揭多知也。謂能了知衆生諸根性行句義。  
如是深秘義云。初孔字爲體。即是本不生。生  
者。生老病死。一切流轉之法。彼即體常自不  
生。是阿字義。以知諸法自性不生。是故一切  
衆生爲無有上勝。上無等也。又能知法體不  
生。故達鑒群機。一切心性無所不現。覺隨彼  
所應度者。而成就之。即是慈中之上。遍施衆  
生。無有窮盡。是故若有衆生。能通達受持讀  
誦此法行者。不久即同弥勒之行。早證大慈  
三昧。此一真言悉攝法相法門。若誦此一真  
言。則爲持八弥勒所證。所說一切法。即得不  
經三大劫。一生成佛。常途說云。弥勒菩薩位。  
弥勒成佛經等說

居十地當來成佛如此之說所謂未了之言  
酬四恩之廣德興三寶之妙道吾  
願也云云仍勸与力於十方開模範  
於万代而已

正嘉祐二年三月之日高野山法賢

110X  
2  
9